

# প্রসপেক্টাস



আল-মারকাযুল ইসলামী আস-সালাফী  
(মহিলা শাখা)

المركز الإسلامي السلفي (فرع البنات)

AL-MARKAZUL ISLAMI AS-SALAFI (WOMEN'S BRANCH)

# প্রসপেক্টাস

## ২০১৭



আল-মারকাযুল ইসলামী আস-সালাফী  
(মহিলা শাখা)

المركز الإسلامي السلفي (فرع البنات)

**Al-Markazul Islami As-Salafi**  
(Women's Branch)

নওদাপাড়া, পোঃ সপুরা, থানা : শাহ মখদুম, রাজশাহী  
ফোন : ০৭২১-৭৬১৩৭৮ মোবাইল : ০১৭১১-৩৫৯৪৭৫

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ وَحْدَهُ وَالصَّلَاةُ وَالسَّلَامُ عَلَيَّ مَنْ لَا نَبِيَّ بَعْدَهُ، أَمَّا بَعْدُ:

## ভূমিকা

‘আল-মারকাযুল ইসলামী আস-সালাফী (মহিলা শাখা)’ দেশের অনন্য বৈশিষ্ট্য সম্পন্ন ঐতিহ্যবাহী শিক্ষা প্রতিষ্ঠান ‘আল-মারকাযুল ইসলামী আস-সালাফী’-এর মহিলা শাখা। ‘আহলেহাদীছ আন্দোলন বাংলাদেশ’ পরিচালিত এই প্রতিষ্ঠানটি ২০০৪ সালে ‘মহিলা সালাফিইয়াহ মাদরাসা’ নামে শুরু হয়ে ২০১০ সাল থেকে অত্র মারকাযের অধীনে পৃথক ‘মহিলা শাখা’ হিসাবে পরিচালিত হচ্ছে। প্রতিষ্ঠাকাল থেকেই অত্র প্রতিষ্ঠানটি যথার্থভাবে ইলমে দ্বীন ও সমকালীন জ্ঞান-বিজ্ঞান শিক্ষাদানে গুরুত্বারোপ করে আসছে। সাথে সাথে যথাযথ অনুশীলনের মাধ্যমে বিশুদ্ধ আক্বীদা ও আমলের প্রসার ঘটানো এবং ইসলামের নামে প্রচলিত ভ্রান্ত আক্বীদা ও আমল সমূহের সংস্কার সাধনের জন্য প্রতিষ্ঠানটি সাধ্যমত প্রচেষ্টা চালিয়ে যাচ্ছে।

‘আল-মারকাযুল ইসলামী আস-সালাফী’ এমন একটি শিক্ষা ব্যবস্থার প্রতিনিধিত্ব করছে, যা প্রচলিত মাদরাসা শিক্ষা ও সাধারণ শিক্ষার দ্বি-মুখী ধারাকে সমন্বিত করে পবিত্র কুরআন ও ছহীহ সুন্নাহ ভিত্তিক একক ও পূর্ণাঙ্গ ইসলামী শিক্ষা ব্যবস্থা প্রতিষ্ঠায় পথ প্রদর্শন করে। ছেলে ও মেয়েদের পৃথক শিক্ষা পরিবেশ নিশ্চিত করার মাধ্যমে উভয়ের জন্য উচ্চ শিক্ষার দুয়ার খুলে দেওয়া এবং তাদেরকে সর্বোত্তম ইসলামী নৈতিকতা সম্পন্ন আদর্শ মুসলিম হিসাবে গড়ে তোলাই অত্র প্রতিষ্ঠানটির একান্ত লক্ষ্য। এ ব্যাপারে আমরা শিক্ষার্থী-শিক্ষক-অভিভাবক ও সুধী মহলের আন্তরিক দো‘আ ও সার্বিক সহযোগিতা কামনা করি। আল্লাহ আমাদের সহায় হোন।- আমীন!

### প্রতিষ্ঠানের লক্ষ্য ও উদ্দেশ্য

১. পবিত্র কুরআন ও ছহীহ হাদীছের আলোকে শিক্ষাদান।
২. মুহাদ্দেহীনের মাসলাক অনুসরণে ও সালাফে ছালেহীনের বুঝ অনুযায়ী কুরআন ও সুন্নাহর যথার্থ ব্যাখ্যা প্রদান।
৩. ধর্মীয় ও সামাজিক কুসংস্কারমুক্ত ইসলামী শিক্ষা ও সংস্কৃতির অনুশীলন ও বিকাশ সাধন।
৪. আল্লাহভীরু যোগ্য আলেমে দ্বীন, লেখক, গবেষক, বাগ্মী ও দেশপ্রেমিক নাগরিক সৃষ্টি করা।
৫. সমাজ ও রাষ্ট্র পরিচালনার জন্য উপযুক্ত নেতৃত্ব ও দাঈ ইলাল্লাহ গড়ে তোলা।

### প্রতিষ্ঠানটির অবস্থান

অত্র প্রতিষ্ঠানটি শিক্ষানগরী রাজশাহীর নওদাপাড়া আমচত্বর থেকে সামান্য উত্তর-পশ্চিমে 'ইসলামিক কমপ্লেক্স'-এর নিজস্ব ক্যাম্পাসে সুউচ্চ প্রাচীরবেষ্টিত এক মনোরম পরিবেশে প্রায় দশ বিঘা জমির উপর প্রতিষ্ঠিত।

### বৈশিষ্ট্য সমূহ

১. শিক্ষার্থীদেরকে নির্ভেজাল তাওহীদ ও ছহীহ সুন্নাহর আলোকে চরিত্রবান ও সুন্নাহের পাবন্দ হিসাবে গড়ে তোলা।
২. ইসলামী আদব, আক্বায়েদ ও আহকামের উপর বুনিয়াদী শিক্ষা প্রদান এবং মাসনূন দো'আ সমূহ মুখস্থ করানো।
৩. আবাসিক শিক্ষার্থীদের সার্বক্ষণিক তদারকি।
৪. নিজস্ব চিকিৎসকের মাধ্যমে শিক্ষার্থীদের সুচিকিৎসার ব্যবস্থা।
৫. প্রাচীরঘেরা নিরাপদ ও মনোরম পরিবেশ, খোলা ময়দান, নিয়মিত খেলাধূলা ও সাংস্কৃতিক কার্যক্রমের ব্যবস্থা।
৬. মেধা বিকাশের জন্য বিভিন্ন উদ্যোগ গ্রহণ করা।
৭. ইয়াতীম শিক্ষার্থীদের সার্বিক ব্যবস্থাপনার জন্য স্বতন্ত্র 'ইয়াতীম বিভাগ'।
৮. মেধাবী ও দরিদ্র শিক্ষার্থীদের জন্য বিশেষ ব্যবস্থা।
৯. মানসম্পন্ন স্বতন্ত্র হিফয ও মক্তব বিভাগ।
১০. দুই বছর মেয়াদী 'দাওরায়ে হাদীছ' বিভাগ।

## শিক্ষাস্তর

অত্র প্রতিষ্ঠানের শিক্ষার স্তর ৩টি। যথা :

১. এবতেদায়ী (প্রাথমিক) : ৫ বছর।
২. মুতাওয়াসসিতাহ (মাধ্যমিক) : ৫ বছর।
৩. দাওরায়ে হাদীছ (বিশেষ কোর্স, ২য় শিফটে) : ২ বছর।
- \* এছাড়া পৃথক হিফয বিভাগ : ৩ বছর।
- \* শিশুদের জন্য মক্তব বিভাগ : ১ বছর।

## পাঠ্যক্রম

বাংলাদেশ মাদরাসা শিক্ষাবোর্ডের সিলেবাস, কওমী নেছাব ও মদীনা ইসলামী বিশ্ববিদ্যালয়ের সিলেবাস অনুসরণে হাদীছ ফাউন্ডেশন শিক্ষাবোর্ড কর্তৃক সুবিন্যাস্ত সিলেবাস অনুযায়ী পাঠ্যক্রম তৈরী করা হয় এবং নির্দিষ্ট সময়ের মধ্যে সিলেবাস শেষ করা হয়। শিক্ষার্থীদের লেখাপড়ার মানোন্নয়নের জন্য ষাণ্মাসিক ও বার্ষিক পরীক্ষা ছাড়াও অতিরিক্ত ২টি মূল্যায়ন পরীক্ষা নেওয়া হয়।

## ২০১৮ শিক্ষাবর্ষে ভর্তির সময়কাল

১. সাধারণ ও হিফয বিভাগে ভর্তি পরীক্ষা : ৩০শে ডিসেম্বর শনিবার সকাল ৯-টা। ভর্তি : ৩০শে ডিসেম্বর-৬ই জানুয়ারী। ক্লাস শুরু : ১লা জানুয়ারী সোমবার।
২. মক্তব বিভাগে ভর্তি : ৩০শে ডিসেম্বর-৬ই জানুয়ারী এবং রামাযানের এক সপ্তাহ পরে। ক্লাস শুরু : ১লা জানুয়ারী সোমবার।
৩. পুরাতন শিক্ষার্থীদের ভর্তি : জরিমানা ছাড়া ১-১৮ই জানুয়ারী পর্যন্ত।
৪. দাওরায়ে হাদীছে ভর্তি : ৮-২২শে জুন পর্যন্ত।

## ভর্তির যোগ্যতা

১. সাধারণ বিভাগে ২য় শ্রেণী হ'তে ৯ম শ্রেণী পর্যন্ত ভর্তির জন্য লিখিত ও মৌখিক পরীক্ষায় উত্তীর্ণ হ'তে হবে। ১ম শ্রেণীতে আসন সাপেক্ষে নির্দিষ্ট সংখ্যক শিক্ষার্থী ভর্তি করা হবে।
২. 'দাওরায়ে হাদীছ' বিভাগে ভর্তির ক্ষেত্রে দাখিল অথবা কওমী মাদরাসা থেকে মুতাওয়াসসিতাহ শ্রেণী উত্তীর্ণের সনদ থাকতে হবে। সেই সাথে জাতীয় পরিচয়পত্র এবং সৎশ্লিষ্ট প্রতিষ্ঠান প্রধানের পক্ষ থেকে চারিত্রিক সনদপত্র আবশ্যিক হবে।

৩. হিফয বিভাগে ভর্তির জন্য শিক্ষার্থীর বয়স ৭ থেকে অনূর্ধ্ব ১০ বছর হবে। প্রথমে নাযেরায় পর্যবেক্ষণের পর শিক্ষার্থীকে হিফয বিভাগের জন্য নির্বাচন করা হবে।
৪. মক্তব বিভাগে ভর্তির জন্য শিক্ষার্থীর বয়স ৬ থেকে অনূর্ধ্ব ৮ বছর হবে।

### ভর্তি বিধি

১. নির্ধারিত ফী-এর বিনিময়ে ভর্তি ফরম ও ভর্তি নির্দেশিকা (প্রসপেক্টাস) সংগ্রহ করতে হবে।
২. ভর্তি পরীক্ষায় উত্তীর্ণ হওয়ার পর প্রতিষ্ঠানের নির্ধারিত ফী সমূহ জমা দেওয়ার মাধ্যমে ভর্তি প্রক্রিয়া সম্পন্ন হবে।
৩. ২ কপি পাসপোর্ট সাইজের সদ্য তোলা রঙিন ছবি এবং জন্ম নিবন্ধন সনদ/জাতীয় পরিচয়পত্রের ফটোকপি জমা দিতে হবে।
৪. সাক্ষাৎ ও আনা-নেওয়ার জন্য দু'জন মাহরামের পাসপোর্ট সাইজের দু'কপি করে স্বাক্ষরিত ছবি জমা দিতে হবে।
৫. ভর্তির পর প্রতিষ্ঠান পরিবর্তন করতে চাইলে ভর্তি ফী বাবদ প্রদত্ত অর্থ ফেরৎ পাবে না।
৬. অন্য প্রতিষ্ঠান থেকে এসে ভর্তি হ'তে চাইলে তাকে সদ্য সাবেক প্রতিষ্ঠান প্রধানের পক্ষ থেকে ছাড়পত্র (টি.সি.) জমা দিতে হবে।

### পরীক্ষা সংক্রান্ত

১. মক্তব, হিফয, দাওরায়ে হাদীছ সহ সকল শ্রেণীতে বছরে দু'টি পরীক্ষা অনুষ্ঠিত হবে।
২. যাবতীয় ফী পরিশোধ করে পরীক্ষার প্রবেশপত্র সংগ্রহ করতে হবে।
৩. দুই বিষয়ে অকৃতকার্য হলে পরবর্তী শ্রেণীতে উন্নীত করা হবে না।
৪. কোন শিক্ষার্থী একই শ্রেণীতে পর পর দু'বছর অকৃতকার্য হ'লে তাকে প্রতিষ্ঠান থেকে ছাড়পত্র দেয়া হবে।
৫. প্রত্যেক বিষয়ে ষান্মাসিক ও বার্ষিক পরীক্ষার পূর্বে একটি করে মোট দু'টি 'মূল্যায়ন পরীক্ষা' নেওয়া হবে। ষান্মাসিক ও বার্ষিক পরীক্ষায় প্রাপ্ত নম্বরের ৭০%, মূল্যায়ন পরীক্ষায় প্রাপ্ত নম্বরের ২০% এবং 'আখলাক' বিষয়ে প্রাপ্ত নম্বরের ১০% যোগ করার মাধ্যমে চূড়ান্ত ফলাফল নির্ধারিত হবে।

৬. ষাণ্মাসিক ও বার্ষিক পরীক্ষার ১ সপ্তাহ পূর্বে এবং সকল নির্বাচনী পরীক্ষার দু'সপ্তাহ পূর্বে ক্লাস বিরতি হবে।

## নীতিমালা ও আচরণবিধি

### ইবাদত সংক্রান্ত

১. প্রত্যেক শিক্ষার্থী পাঁচ ওয়াক্ত ছালাত জামা'আতের সাথে সংশ্লিষ্ট মসজিদে আদায় করবে। ইক্বামতের কমপক্ষে পাঁচ মিনিট পূর্বে মসজিদে প্রবেশ করবে। সালাম ফিরানোর পর কমপক্ষে তিন মিনিট বসে দো'আ-দরুদ পড়বে। সকল সুন্নাত ছালাত যথানিয়মে আদায় করবে।
২. সুস্থ অবস্থায় বিনা ওয়রে মসজিদে জামা'আতে ছালাত হ'তে বিরত থাকবে না। কোন শিক্ষার্থী ছালাতে অবহেলা করলে একাধিকবার সতর্ক করার পরেও সংশোধন না হ'লে বিধি মোতাবেক তার ভর্তি বাতিল করা হবে।

### পোষাক সংক্রান্ত

১. সবসময় শালীন পোষাক পরিধান করবে।
২. বিশেষ প্রয়োজনে বাইরে বের হওয়ার সময় টিলাঢালা বোরক্বা পরবে। অল্পবয়সী শিক্ষার্থীরা স্কার্ফ/ওড়না ব্যবহার করবে।

### পরিচ্ছন্নতা

১. নিজ বিছানা, কাপড়-চোপড় ও কক্ষ সর্বদা পরিষ্কার-পরিচ্ছন্ন রাখবে। কাগজপত্র ও অন্যান্য আবর্জনা নির্দিষ্ট ডাস্টবিনে ফেলবে।
২. প্রতিষ্ঠানের কোন দেওয়ালে লেখা, দাগ কাটা, ছবি আঁকানো ও ময়লা করা থেকে বিরত থাকবে।
৩. দায়িত্ব অনুযায়ী বারান্দা ও টয়লেট সর্বদা পরিষ্কার রাখবে। পানি ও বিদ্যুৎ ব্যবহারে কোনরূপ অপচয় করবে না। 'অপচয়কারীরা শয়তানের ভাই' আয়াতটি এবং 'আল্লাহ নিজে সুন্দর। তিনি সৌন্দর্যকে পসন্দ করেন' হাদীছটি সর্বদা মনে রাখবে।

### ক্লাস সংক্রান্ত

১. নির্ধারিত পোষাক (ছোটদের জন্য : খয়েরী জামা ও সাদা স্কার্ফ বা ওড়না এবং বড়দের জন্য : খয়েরী বোরক্বা ও সাদা স্কার্ফ) পরিধান করে ক্লাসে আসবে এবং পোষাক সর্বদা পরিচ্ছন্ন রাখবে।

২. যথাসময়ে ক্লাসে উপস্থিত হবে এবং প্রস্থান করবে। শিক্ষিকা অনুপস্থিত থাকলেও কোনক্রমেই শ্রেণীকক্ষ পরিত্যাগ করতে পারবে না। এসময় নিজেরা ক্লাসের বই পড়বে।
৩. শ্রেণীকক্ষ বা বারান্দায় কোনরূপ কোলাহল সৃষ্টি করবে না।
৪. প্রত্যেক ক্লাসে পাঠ্যবই ও খাতা-পত্র সঙ্গে আনবে।
৫. প্রতি বৃহস্পতিবার শেষ পিরিয়ডে সহ-পাঠ্যক্রমিক কার্যক্রম তথা সাপ্তাহিক আঞ্জুমানে উপস্থিত থাকবে।
৬. প্রতিষ্ঠান কর্তৃক নির্ধারিত বার্ষিক সাংস্কৃতিক ও ক্রীড়া প্রতিযোগিতা, পুরস্কার বিতরণী, শিক্ষার্থীদের উদ্বোধনী ও বিদায়ী সভা সহ সকল প্রকার অনুষ্ঠানে অংশগ্রহণ করা সকল শিক্ষার্থীর জন্য বাধ্যতামূলক।
৭. শিক্ষা সংক্রান্ত কোন পরামর্শ থাকলে যেকোন শিক্ষার্থী প্রথমতঃ শ্রেণী শিক্ষিকা ও প্রয়োজনে তাঁর অনুমতিক্রমে শাখা প্রধান-এর সাথে আলোচনা করবে। অথবা লিখিত আবেদন জানাবে। দলবদ্ধভাবে কোন দাবী পেশ করা নিষিদ্ধ।

### ফী সংক্রান্ত

১. ছাত্রীদের বেতন-ফী ইত্যাদি সকল প্রকার আর্থিক লেনদেন বৈধ অভিভাবক ও হিসাব রক্ষকের মাধ্যমে সম্পন্ন হবে।
২. প্রতি মাসের সর্বোচ্চ ১০ তারিখের মধ্যে মাসিক বেতন, বোর্ডিং ও ব্যবস্থাপনা ফী পরিশোধ করতে হবে। উক্ত সময় অতিক্রম করলে প্রতিদিনের জন্য ৫ (পাঁচ) টাকা হারে জরিমানা দিতে হবে। ১৫ তারিখের পর থেকে খাওয়া বন্ধ করা হবে। পুনরায় খাওয়া চালু করতে হলে ১০০ টাকা অতিরিক্ত ফীসহ বকেয়া জমা দিয়ে আবেদন করতে হবে।
৩. পরপর তিন মাস বাকী থাকলে তার ভর্তি সাময়িকভাবে বাতিল হবে। পুনরায় ভর্তি হতে চাইলে জরিমানাসহ সকল বকেয়া পরিশোধ করতঃ ১০০/- টাকা অতিরিক্ত ফী জমা দিয়ে শাখা প্রধান বরাবর আবেদন করবে।
৪. আবাসিক শিক্ষার্থীকে 'যামানত' (Security money) হিসাবে কর্তৃপক্ষের নিকট ১০০০/- (এক হাজার) টাকা অগ্রিম জমা রাখতে হবে। আবাসিকতা ত্যাগের সময় যা ফেরৎ পাবে। কিন্তু কোন



অপরাধের কারণে আবাসিকতা বা ভর্তি বাতিল হ'লে তা ফেরত পাবে না।

৫. শিক্ষাবর্ষের মাঝখানে আবাসিকতা ত্যাগ করলে পুরা বছরের ব্যবস্থাপনা ফী ও মাসিক বেতন পরিশোধ করতে হবে।

### উৎসাহ পুরস্কার

১. বার্ষিক পরীক্ষায় ১ম, ২য় ও ৩য় স্থান অধিকারীদের পুরস্কৃত করা হবে।
২. শ্রেণী পরীক্ষা, আখলাক, লেখনী, বাগ্মীতা এবং আনুসঙ্গিক অন্যান্য বিষয়ে সেরা প্রমাণিত ১ জন শিক্ষার্থীকে প্রতিবছর পুরস্কার সহ 'বিশেষ মেধা সনদ' প্রদান করা হবে।
৩. মাসিক আঞ্জুমানে সেরা প্রমাণিত ২জন শিক্ষার্থীকে 'বার্ষিক আঞ্জুমান পুরস্কার' দেওয়া হবে।

### পারস্পরিক আচরণ

১. ছোটদের প্রতি স্নেহ ও বড়দের প্রতি সম্মান বজায় রেখে শিক্ষার্থীরা ইসলামী ভ্রাতৃত্ব ও ভালোবাসার সাথে বসবাস করবে। সকল শিক্ষিকাকে সমানভাবে শ্রদ্ধা করবে ও তাদের দো'আ নিবে। তাদের সেবা-যত্ন করবে ও সর্বদা সুযোগমত শিক্ষণীয় বিষয়সমূহ জেনে নিবে।
২. সর্বদা নম্রতা ও শালীনতা বজায় রেখে চলবে। হৈচৈ, চোঁচামেচি, ধাক্কাধাক্কি সহ যেকোন ধরনের উচ্ছৃংখল আচরণ গুরুতর অপরাধ হিসাবে গণ্য হবে।
৩. কোন শিক্ষার্থী বিনা অনুমতিতে অপর শিক্ষার্থীর কোন জিনিস ব্যবহার করবে না। কারো প্রতি কুরূচিপূর্ণ ইঙ্গিত ও ভাষা ব্যবহার করবে না। কোনরূপ শারীরিক ও মানসিক নির্যাতন করবে না। কারো ক্ষতিসাধন করলে বা কারো জিনিস চুরি করলে পূর্ণ ক্ষতিপূরণ সহ দৃষ্টান্তমূলক শাস্তি গ্রহণে বাধ্য থাকবে।
৪. কোন বিষয়ে পরস্পরকে উসকানী দিবে না। গ্রুপিং ও দলাদলি করবে না। প্রতিষ্ঠানের সম্মান ও স্বার্থের হানিকর কোন কাজ করবে না। সর্বদা নেকীর কাজে পরস্পরকে উৎসাহিত করবে এবং গোনাহের কাজ হ'তে বিরত থাকবে।
৫. পরিচালনা কমিটির কোন সদস্য, শিক্ষিকা, অভিভাবক বা কর্মকর্তা ও কর্মচারীর প্রতি অসম্মান প্রদর্শন এবং যে কোন ধরনের বেয়াদবী কঠোর শাস্তিযোগ্য অপরাধ হিসাবে বিবেচিত হবে।

## হোস্টেল সংক্রান্ত

১. প্রতিষ্ঠান থেকে নির্ধারিত মূল্যের বিনিময়ে টোকি সরবরাহ করা হবে। তবে বিছানা-পত্র ও পড়ার ডেস্ক শিক্ষার্থীরা নিজ দায়িত্বে সংগ্রহ করবে।
২. হোস্টেলে হিটার, কুকার, ব্যক্তিগত মোবাইল ফোন, রেডিও, ক্যামেরা, গান শোনা বা ভিডিও দেখার ডিভাইস এবং ল্যাপটপসহ সকল প্রকার ব্যক্তিগত কম্পিউটার ব্যবহার নিষিদ্ধ। এছাড়া কোন বেআইনী বস্তু ও অশ্লীল পত্র-পত্রিকা রাখা যাবে না। কারো নিকটে এরূপ কিছু পাওয়া গেলে তা বায়েয়াফত করা হবে এবং তাকে কঠোর শাস্তির সম্মুখীন হ'তে হবে।
৩. টেবিল-চেয়ার ও দরজা-জানালাসহ প্রতিষ্ঠানের স্থাবর-অস্থাবর কোন সম্পদ বিনষ্ট করা সম্পূর্ণরূপে নিষিদ্ধ। এর জন্য যথোপযুক্ত ক্ষতিপূরণ সহ কঠোর শাস্তির সম্মুখীন হ'তে হবে।
৪. আবাসিক কক্ষ নির্ধারণ, সীট বণ্টন, পরিবর্তন ও বাতিলকরণের বিষয়ে বোর্ডিং কর্তৃপক্ষের সিদ্ধান্তই চূড়ান্ত। প্রত্যেক শিক্ষার্থী তার জন্য বরাদ্দকৃত কক্ষ ও সীটে অবস্থান করবে। কর্তৃপক্ষের অনুমতি ব্যতীত কেউ নিজ থেকে কক্ষ বা সীট পরিবর্তন করতে পারবে না। রাতে কোন শিক্ষার্থী নিজ বিছানা ব্যতীত অন্যের বিছানায় বা কক্ষে থাকতে পারবে না।
৫. দায়িত্বরত আবাসিক শিক্ষিকার অনুমতি (আউট পাস) ব্যতীত এবং নির্ধারিত সময় ব্যতীত কোন শিক্ষার্থী ক্যাম্পাসের বাইরে যেতে পারবে না। অহেতুক গল্প-গুজব, নাটক-নভেল পড়া থেকে বিরত থাকবে। রুম ক্যাপ্টেন ও সহকারী ক্যাপ্টেনের নির্দেশনা মেনে চলবে।
৬. ছাত্রত্ব শেষ হলে তার আবাসিকতা আপনা থেকেই বাতিল হয়ে যাবে। এ সময় কক্ষ ত্যাগের জন্য সে সর্বোচ্চ ৭ দিন সময় পাবে। অহেতুক বিলম্ব করলে প্রতিদিনের জন্য নির্দিষ্ট হারে জরিমানা দিতে বাধ্য থাকবে। কক্ষ ত্যাগ কালে দায়িত্বশীল আবাসিক শিক্ষিকা/তত্ত্বাবধায়ককে তাঁর উপস্থিতিতে কক্ষ বুঝিয়ে দিতে হবে।
৭. পাবলিক পরীক্ষার পর আবাসিকতা বাতিল হবে। তবে অত্র প্রতিষ্ঠানে পরবর্তী শ্রেণীতে ভর্তি ও আবাসিকতা বহাল রাখতে চাইলে নির্ধারিত আবাসিকতা ফী প্রদান করতে হবে।

৮. নিজেদের মধ্যে কোন সমস্যা সৃষ্টি হ'লে রুম ক্যাপ্টেন ও সহকারী ক্যাপ্টেনকে তা জানিয়ে মিটিয়ে ফেলতে হবে। সম্ভব না হ'লে সংশ্লিষ্ট আবাসিক শিক্ষিকার কাছে বিচার দিতে হবে। গুরুতর বিষয়াদি আবাসিক শিক্ষিকাগণ 'শুংখলা কমিটি'র নিকটে পেশ করবেন। অতঃপর তাদের সুফারিশক্রমে শাখা প্রধান চূড়ান্ত ব্যবস্থা গ্রহণ করবেন।
৯. রাত্রি ১১-টায় সকল আবাসিক কক্ষের লাইট বন্ধ করতে হবে। কারো একান্ত যরুরী পড়াশুনা থাকলে পৃথক 'পাঠ কক্ষে' বসবে। বাদ ফজর ঘুমানো নিষিদ্ধ। দুপুরে খাওয়ার পর ১ ঘন্টা বিশ্রাম নিবে।
১০. কেউ তার অভিভাবক বা অতিথিকে রাত্রে নিজেদের কক্ষে রাখতে পারবে না। প্রয়োজনে বোর্ডিং কর্তৃপক্ষের অনুমতি সাপেক্ষে মেহমানখানায় থাকার ব্যবস্থা করবে।
১১. অনাবাসিক কোন শিক্ষার্থী বিনা অনুমতিতে হোস্টেলে অবস্থান করতে পারবে না।

### ডাইনিং সংক্রান্ত

১. শারঙ্গ নীতি অনুযায়ী শান্তভাবে সর্বোচ্চ ভদ্রতা বজায় রেখে খাদ্য গ্রহণ করবে।
২. সর্বদা ডাইনিং হলে খাবে। নিতান্ত ওয়রবশতঃ কক্ষে খাবার নিতে হলে ডাইনিং কর্তৃপক্ষের অনুমতি সাপেক্ষে নিতে পারবে।
৩. খাওয়ার পর সুনাতী তরীকায় প্লেট চেটে খাবে। নিজের প্লেট নিজে ছাফ করবে। কোনভাবেই খাদ্য ও পানির অপচয় করা যাবে না।
৪. খাদ্যমান নিয়ে কোন অভিযোগ থাকলে তা বোর্ডিং সুপারের নিকটে পেশ করবে। দায়িত্বরত কর্মচারীর সাথে এ ব্যাপারে কোনরূপ দাবী পেশ বা অসদাচরণ করা যাবে না।
৫. খাবার প্লেট ও গ্লাস নিজ দায়িত্বে সংগ্রহ করবে।

### খেলাধূলা সংক্রান্ত

আছরের ছালাত শেষে নির্ধারিত সময় পর্যন্ত পড়াশুনার পর ১ ঘন্টা শরীর চর্চামূলক খেলাধূলা করবে। অন্য সময় খেলাধূলা নিষিদ্ধ। মাগরিবের ১৫ মিনিট পূর্বে খেলা শেষ করবে। খেলার সময় অবশ্যই শালীনতাপূর্ণ পোষাক পরিধান করবে।

## যোগাযোগ নীতি

শুক্রবার সকাল সাড়ে ৮-টা থেকে সাড়ে ১১-টা পর্যন্ত এবং প্রতিদিন আছর থেকে মাগরিবের ১৫ মিনিট আগ পর্যন্ত প্রতিষ্ঠানের ব্যবস্থাপনায় নির্দিষ্ট মোবাইল থেকে পরিবারের সাথে যোগাযোগ করতে পারবে। যোগাযোগের জন্য মোবাইল নম্বর সমূহ- ০১৭৭০-২৮৮১৫৩, ০১৭০৪-৬৪৭০০৯।

## বিচার ও শাস্তি বিধি

১. আচরণবিধি লঙ্ঘন করলে কর্তৃপক্ষ শাস্তিমূলক ব্যবস্থা গ্রহণ করবেন। ছোট-খাট লঙ্ঘনে হোস্টেল বিষয়ে আবাসিক শিক্ষিকা এবং একাডেমিক বিষয়ে শ্রেণী শিক্ষিকা অথবা শাখা প্রধান ব্যবস্থা নিবেন।
২. পরপর তিনবার বিধান অমান্যের কারণে শাস্তির পর চতুর্থবার তা করলে সেটি 'সাময়িক ভর্তি বাতিলযোগ্য' অপরাধ হিসাবে গণ্য হবে। এমতাবস্থায় তাকে অভিভাবকের আবেদন ও জরিমানাসহ কর্তৃপক্ষের অনুমতি সাপেক্ষে নতুনভাবে ভর্তি হ'তে হবে।

## ভর্তি বাতিলযোগ্য অপরাধ

১. গ্রুপিং বা দলাদলি এবং ক্লাস, অফিস, বোর্ডিংসহ প্রশাসনিক কর্মকাণ্ড ব্যাহত করার কোন প্রকার একক বা দলবদ্ধ প্রচেষ্টা।
২. প্রতিষ্ঠানের স্থাবর বা অস্থাবর কোন সম্পদ বিনষ্ট করা।
৩. কোন শিক্ষার্থীর উপর বল প্রয়োগ করা বা ভীতি প্রদর্শন করা।
৪. বিনা অনুমতিতে ও নিয়মবহির্ভূত ভাবে আবাসিকতা পরিত্যাগ করা।
৫. কর্তৃপক্ষের বা প্রতিষ্ঠানের সুনাম নষ্ট হয় এমন কাজ করা।

## হাযিরা ও ছুটি নীতি

১. বিনা ছুটিতে কোন শিক্ষার্থী ক্লাসে বা আবাসিক কক্ষে অনুপস্থিত থাকলে শিক্ষার্থীকে সতর্ক করা হবে। ২য় বার এরূপ করলে অভিভাবককে জানিয়ে প্রতিকারমূলক ব্যবস্থা গ্রহণ করা হবে। ৩য় বার করলে অভিভাবকের মাধ্যমে মুচলেকা দিতে হবে। ৪র্থ বার এরূপ ঘটলে তা 'সাময়িক ভর্তি বাতিলযোগ্য' অপরাধ হিসাবে গণ্য হবে। এমতাবস্থায় তাকে কর্তৃপক্ষের অনুমতি সাপেক্ষে অভিভাবকের আবেদন ও জরিমানাসহ নতুনভাবে ভর্তি হ'তে হবে।
২. অনাবাসিক কোন শিক্ষার্থী ছুটি নিতে চাইলে অভিভাবকের সুফারিশসহ শ্রেণী শিক্ষিকার মাধ্যমে শাখা প্রধান বরাবর আবেদন করে ছুটি নিশ্চিত করবে। আবাসিক শিক্ষার্থী ছুটি নিতে চাইলে

আবাসিক শিক্ষিকার সুফারিশে শ্রেণী শিক্ষিকার মাধ্যমে শাখা প্রধান বরাবর আবেদন করে ছুটি নিশ্চিত করবে।

৩. কোন শিক্ষার্থী লিখিত অনুমতি ব্যতীত একটানা ৩০ দিন অনুপস্থিত থাকলে তার ভর্তি বাতিল বলে গণ্য হবে।
৪. প্রতিষ্ঠান খোলা ও বন্ধের দিন অবশ্যই উপস্থিত থাকতে হবে। নইলে নির্ধারিত হারে জরিমানা প্রদান করতে হবে।

### অভিভাবকদের কর্তব্য

১. অভিভাবকগণ সন্তানের লেখাপড়ার খোঁজ-খবর রাখবেন ও তাদের লেখাপড়ার উন্নতি ও চারিত্রিক অবস্থা পর্যবেক্ষণ করবেন।
২. যে কোন অভিযোগ সেক্রেটারীকে জানাতে হবে এবং প্রতিষ্ঠানের উন্নতির স্বার্থে অভিভাবকের যে কোন সুপারামর্শ সাদরে গৃহীত হবে।
৩. প্রতিদিন বাদ আছর থেকে মার্গবিরের ১৫ মিনিট আগ পর্যন্ত শিক্ষার্থীর সাথে মারকাযের নির্ধারিত মোবাইলে যোগাযোগ করা যাবে। বিশেষ প্রয়োজনে সাক্ষাৎ অপরিহার্য হ'লে সংশ্লিষ্ট কর্তৃপক্ষের অনুমতি নিতে হবে। বৈধ অভিভাবক অথবা নির্ধারিত মাহরাম ব্যতীত অন্য কেউ সাক্ষাৎ করতে পারবে না।
৪. মাসিক প্রদেয় ফী সমূহ যথাসময়ে প্রদান করবেন।
৫. প্রতিষ্ঠানের নিয়ম-কানুন যথাযথভাবে মেনে চলতে শিক্ষার্থীকে উৎসাহিত করবেন।
৬. কর্তৃপক্ষ কর্তৃক আহৃত অভিভাবক সম্মেলনে যোগদান করবেন।

### পরীক্ষার সময়সূচী

ক্রঃ	পরীক্ষার নাম	তারিখ	ফল প্রকাশ
০১	ষাণ্মাসিক পরীক্ষা	০৯ই মে হ'তে ২৫শে মে	৬ই জুলাই বৃহস্পতিবার
০২	বার্ষিক পরীক্ষা	৩০শে নভেম্বর হ'তে ১৭ই ডিসেম্বর	২৪শে ডিসেম্বর রবিবার
০৩	নির্বাচনী পরীক্ষা (৮ম ও দাখিল)	বোর্ড কর্তৃক নির্ধারিত তারিখে	পরীক্ষা শেষ হওয়ার এক সপ্তাহের মধ্যে
অভিভাবক সম্মেলন : ২৬শে মে '১৭ রোজ শুক্রবার সকাল ৯-টা।			

### বার্ষিক ছুটির তালিকা

ক্রঃ	উপলক্ষ্য	তারিখ ও বার	দিন
০১	সরকারী ছুটি	২১শে ফেব্রুয়ারী মঙ্গলবার	০১ দিন
০২	বার্ষিক তাবলীগী ইজতেমা	২৩-২৫শে ফেব্রুয়ারী বৃহঃ-শনিবার	০৩ দিন
০৩	সরকারী ছুটি	২৬ শে মার্চ রবিবার	০১ দিন
০৪	গ্রীষ্মকালীন, রামায়ান ও ঈদুল ফিতর সহ	২৭শে মে-১লা জুলাই	৩৫ দিন
০৫	আরাফাহ ও ঈদুল আযহা	৩০শে আগস্ট-১১ই সেপ্টেম্বর	১৩ দিন
০৬	আশুরায়ে মুহাররম	৩০শে সেপ্টেম্বর ও ১লা অক্টোবর শনি-রবিবার	০২ দিন
০৭	বিজয় দিবস	১৬ই ডিসেম্বর শনিবার	০১ দিন
০৮	শীতকালীন ছুটি	২০-২৬শে ডিসেম্বর	০৭ দিন
০৯	অধ্যক্ষের সংরক্ষিত ছুটি		০৪ দিন
	মোট		৬৭ দিন

বিঃ দ্রঃ হিফয বিভাগের জন্য রামায়ান ও ঈদুল ফিতরের ছুটি ২২শে জুন (২৬শে রামায়ান) হ'তে ১লা জুলাই পর্যন্ত ১০ দিন এবং শীতকালীন ছুটি ১০ই ডিসেম্বর হ'তে ১৬ই ডিসেম্বর পর্যন্ত ৭ দিন।

### সাপ্তাহিক ছুটির দিনের কর্মসূচী

১. শিক্ষিকা-শিক্ষার্থী সম্মিলিত আলোচনা সভা।
২. শিক্ষামূলক ইসলামী সিডি-ভিসিডি প্রদর্শন।
৩. সাংস্কৃতিক অনুষ্ঠান ও প্রতিযোগিতা (ক্বিরাআত, হিফযুল কুরআন, হিফযুল হাদীছ, আক্বীদা, আযান, আবৃত্তি, মাসায়েল, কুইজ, বিভিন্ন ভাষায় বক্তৃতা দান প্রভৃতি)।
৪. বিতর্ক প্রতিযোগিতা।
৫. সুন্দর হস্তাক্ষর প্রতিযোগিতা।
৬. পরিষ্কার-পরিচ্ছন্নতা অভিযান।

৭. ক্রীড়া প্রতিযোগিতা ।
৮. দাওয়াতী কার্যক্রমে অংশগ্রহণ ।
৯. সমাজসেবা মূলক কার্যক্রমে অংশগ্রহণ প্রভৃতি ।

### আঞ্জুমান -এর কর্মসূচী

প্রতি বৃহস্পতিবার সাপ্তাহিক শ্রেণীভিত্তিক আঞ্জুমান হবে । সেখানে ১ম ও ২য় স্থান অধিকারীগণ মাসিক সামগ্রিক আঞ্জুমানে অংশগ্রহণ করবে । বিষয়সূচী : (১) অর্ধসহ পবিত্র কুরআন তেলাওয়াত (২) হাদীছ পাঠ (৩) আক্বীদা (৪) বিষয়ভিত্তিক বক্তৃতা (বাংলা, ইংরেজী, আরবী) (৫) জানা-অজানা/সাধারণ জ্ঞান (৬) মাসআলা-মাসায়েল (৭) জাগরণী (৮) কবিতা আবৃত্তি (৯) সুন্দর হস্তাক্ষর প্রভৃতি । মাসিক আঞ্জুমানে ১ম, ২য় ও ৩য় স্থান অধিকারীদের পুরস্কৃত করা হবে ।

### এক নজরে প্রতিদিনের কর্মসূচী

মসজিদে ফজরের ছালাত, তাফসীর শ্রবণ ও কুরআন তেলাওয়াত শেষে সকল শিক্ষার্থী নিজ নিজ কক্ষে গিয়ে পড়তে বসবে । অতঃপর নির্ধারিত সময়ে গোসল ও নাশতা শেষে ক্লাসে গমন করবে । ক্লাস থেকে ফিরে যোহর ছালাতের পর দুপুরের খাবার গ্রহণ করবে এবং এক ঘন্টা বিশ্রাম নিবে । বাদ আছর নির্ধারিত সময় পর্যন্ত পড়াশুনা শেষে এক ঘন্টা শরীরচর্চা মূলক খেলাধুলা করবে অথবা প্রয়োজনীয় কার্যসমূহ সেরে নিবে । অতঃপর বাদ মাগরিব থেকে এশা পর্যন্ত পড়াশুনা করবে । এশার ছালাতের পর রাতের খাবার শেষে সর্বোচ্চ ১১-টা পর্যন্ত পড়াশুনা করবে । অতঃপর ঘুমিয়ে যাবে ।

## মুক্তব বিভাগ

### শিক্ষার স্তর : ১ বছর

১. নাযেরাহ সহ ২৯ ও ৩০তম পারা হিফয ।
২. দ্বীনিয়াত শিক্ষা (প্রয়োজনীয় দো'আ সমূহ মুখস্থ সহ) ।
৩. বাংলা ও ইংরেজী পাঠদান ।
৪. হস্তলিপি (বাংলা, ইংরেজী ও আরবী) শিক্ষা দান ।

## হিফয বিভাগ

### শিক্ষার স্তর : ৩ বছর

১ম বর্ষ : ১৩ পারা হিফয ।

২য় বর্ষ : ১৩ পারা হিফয ।

৩য় বর্ষ : ২ পারা হিফয ও শুনানী ।

বিঃদ্রঃ হিফয শেষে কিতাব বিভাগে ৩য় শ্রেণীতে ভর্তির সুযোগ রয়েছে ।

### বৈশিষ্ট্য :

১. মনিটরিং টীম দ্বারা নিয়মিত তদারকী ।
২. শিক্ষার্থীদের জন্য গ্রুপভিত্তিক মাসিক ও বার্ষিক পাঠ পরিকল্পনা তৈরীকরণ এবং প্রতি মাসে শিক্ষার্থীর অগ্রগতির প্রতিবেদন প্রদান ।
৩. তেলাওয়াতের মানোন্নয়নের জন্য সাপ্তাহিক কিরাআত মজলিসের ব্যবস্থা ।
৪. ষান্মাসিক ও বার্ষিক পরীক্ষা ছাড়াও ২টি মূল্যায়ন পরীক্ষা গ্রহণ ।
৫. বছরে একবার আস্তঃ মাদরাসা হিফয প্রতিযোগিতার আয়োজন ও মেধাবীদের পুরস্কৃত করণ ।
৬. হিফয শেষে বয়স ও মেধা অনুযায়ী সাধারণ বিভাগে ভর্তি হওয়ার জন্য সাধারণ ক্লাসের প্রয়োজনীয় বিষয়সমূহ শিক্ষা দান এবং সুন্দর হস্তাক্ষরের প্রতি বিশেষ দৃষ্টি প্রদান ।
৭. অডিও-ভিডিওর মাধ্যমে মানসম্পন্ন কিরাআত শিক্ষাদান ।

### ভর্তি ফী-২০১৭

শ্রেণী	সেশন চার্জ	মাসিক বেতন	সংস্থাপন ফী	আসবাব পত্র	বিবিধ	মোট
মজুব, হিফয ও ১ম শ্রেণী	৯০০/-	২৫০/-	২০০/-	২০০/-	১০০/-	১৬৫০/-
২য় ও ৩য়	৯০০/-	২৮০/-	২০০/-	২০০/-	১০০/-	১৬৮০/-
৪র্থ শ্রেণী	৯০০/-	৩০০/-	২০০/-	২০০/-	১০০/-	১৭০০/-
৫ম শ্রেণী	৯০০/-	৩৩০/-	২০০/-	২০০/-	১০০/-	১৭৩০/-
৬ষ্ঠ, ৭ম ও ৮ম শ্রেণী	৯০০/-	৩৫০/-	২০০/-	২০০/-	১০০/-	১৭৫০/-



৯ম, ১০ম	৯০০/-	৩৭০/-	২০০/-	২০০/-	১০০/-	১৭৭০/-
ছানাবিয়া হ ১ম, ২য়	৯০০/-	৩৯০/-	২০০/-	২০০/-	১০০/-	১৭৯০/-
কুল্লিয়া ১ম, ২য়	৯০০/-	৩৯০/-	২০০/-	২০০/-	১০০/-	১৭৯০/-
বিঃ দ্রঃ নতুন শিক্ষার্থীদের ক্ষেত্রে উক্ত ফী-এর সাথে ভর্তি ফী ১২০০/- এবং যামানত (আবাসিক) ১০০০/- মোট ২২০০/- যোগ হবে।						

### ২০১৭ সালের মাসিক বোর্ডিং ও ব্যবস্থাপনা ফী

বোর্ডিং ফী	১৩৫০/-
ব্যবস্থাপনা ও আবাসিকতা ফী	৪৫০/-
মোট	১৮০০/-

### দৈনন্দিন খাবারের তালিকা

বার	সকাল	দুপুর	রাত্রি
শনিবার	ভুনা খিচুড়ী	ভাজা মাছ+সবজি	ভর্তা+ডাল
রবিবার	খিচুড়ী	ভাজি+ডাল	ডিম +ডাল
সোমবার	ভাত+সবজি+ডাল	ডিম+সবজি	সবজি
মঙ্গলবার	খিচুড়ী+ভর্তা	গোশত+ডাল	ভাজি+ডাল
বুধবার	ভাত+সবজি	মাছ তরকারী+ডাল	সবজি
বৃহস্পতিবার	খিচুড়ী	ভাজি+ডাল	মাছের ঘন্ট
শুক্রবার	ভাত+ভর্তা/সবজি	মাছের ঘন্ট	ডিম+ডাল

দ্রঃ রুচি পরিবর্তনের জন্য মাঝে-মাঝে খাদ্য তালিকা পরিবর্তন হ'তে পারে।



سُبْحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ أَسْتَغْفِرُكَ وَأَتُوبُ إِلَيْكَ-



ক্লাস রুম



হোস্টেল



হোস্টেল

## আল-মারকাযুল ইসলামী আস-সালাফী (মহিলা শাখা)

নওদাপাড়া, পোঃ সপুরা, থানা : শাহ মখদুম, রাজশাহী।  
ফোন : ০৭২১-৭৬১৩৭৮ মোবাইল : ০১৭১১-৩৫৯৪৭৫